



ERROTULUAK, IRUDI KORPORATIBOA ETA WEBGUNEAK EUSKARAZ JARTZEKO DIRULAGUNTZEN OINARRI ESPEZIFIKOEN ORDENANTZA

ZIOEN AZALPENA

Zuzenbidezko estatu sozial eta demokratiko modernoan ukazina da dirulaguntzek duten garrantzia, eta beldurrik gabe esan daiteke edozein administrazioen politika sozial eta ekonomikoan erabakigarria den tresna baten aurrean gaudela.

Toki-araubidearen oinarriak arautzen dituen apirilaren 2ko 7/1985 Legearen 25. artikulua ematen dizkion lankidetzak eskumenak dituen lurralde-administrazio gisa, Zarauzko Udalean garrantzi handia du dirulaguntzei buruzko jarduerak.

Dirulaguntzen azaroaren 17ko 38/2023 Lege Orokorrak 17.2. artikuluan esaten du toki-korporazioen dirulaguntzen oinarri arautzaileak aurrekontua gauzatzeko arauen esparruan onartu beharko direla, dirulaguntzen ordenantza orokor baten bidez edo dirulaguntzen modalitate desberdinetarako berariazko ordenantza baten bidez.

Administrazioaren ikuspegitik, dirulaguntzak interes orokorreko jokabide zehatz batzuk sustatzeko teknika bat dira, eta, baita, Administrazio Publikoaren eta partikularren arteko lankidetzak prozedura bat, interes publikoko jarduerak kudeatzeko.

Helburua da efikazia eta efizientzia handiagoa lortzeko arau egokiak ezartzea eta, aldi berean, laguntza ekonomiko mota honi izaera publikoak ematen dizkion kontrola eta gardentasuna indartzea.

Bestalde, komenigarria eta beharrezkoa da bere tramitazioan eta justifikazioan irizpide homogeneo batzuk ezartzea, eta, aldi berean, udal departamentuei eta Kontuhartzailetzari erraztasunak ematea dirulaguntzaren xedea betetzen den frogatzeko egiten dituzten egiaztatze-lanetan.

Udalak onartuta dauka alor hori arautzeko ordenantza orokorra: ZARAUZKO UDALEKO DIRULAGUNTZEN ORDENANTZA OROKOR ARAUTZAILEA.

Arautegi orokor hori, hala ere, moldatu egin behar da departamentu bakoitzaren helburuetara, bultzatu nahi dituen ekintza zehatzetara, eta horretarako onartzen dira



ZARAUZKO UDALA

oinarri espezifiko hauek. Horien helburua da norbanakoek eta elkarteek sustatzen dituzten interes orokorreko jarduerak bultzatzea.

Ordenantza honek bere helburuak betetzeko behar-beharrezkoa den erregulazioa besterik ez du, eta oinarri espezifiko hauek ordenantza gisa tramitatuz beste urrats bat eman da segurtasun juridikoan, prozedura gardenagoa eta parte-hartzaileagoa delako eta arautegi honen iraunkortasuna bermatu nahi delako.

Ordenantza hau honako xedapen hauek osatzen dute:

1. Helburua
2. Eskaerak
3. Onuradunak
4. Laguntzak emateko prozedura
5. Diruz lagundutako jarduerak finantzatzea
6. Ebazpena
7. Diru-zuzkidura eta aurrekontu partida
8. Onuradunaren betebeharrak
9. Bete beharreko baldintzak
10. Dirulaguntzaren zenbatekoa
11. Aurkeztu beharreko dokumentuak
12. Dirulaguntzak ordaintzea
13. Dirulaguntzaren xedea justifikatzea
14. Publizitatea
15. Dirulaguntzak itzultzea
16. Dirua itzultzera behartuak
17. Araudi osagarria

1.- HELBURUA

Ordenantza honen helburua da Zarauzko Udalak ondorengoetarako esleitzen dituen dirulaguntzak norgehiagoka bidez emateko modua arautzea:

1. Establezimenduetako errotulazioa euskaraz jartzeko.
2. Establezimenduetako irudi korporatiboko elementuak euskaraz jartzeko: erakusleihoetako errotulazioa, ibilgailuetako errotulazioa, paperezko poltsak, poltsa konpostagarriak, biltzeko papera, karta-azalak, orri idazpurudunak, bisita-txartelak eta taloitegiak (albaranak, fakturak...).
3. Web orriak euskaraz jartzeko.

Dirulaguntza hauen xede diren jarduerak berariaz euskararen erabilera soziala sustatu, hedatu edo normalizatzea izango dute helburu zehatz gisa.



2.- ESKAERAK

1. Dirulaguntzak emateko prozedura ofizios hasiko da, Gipuzkoako Aldizkari Ofizialean argitaratutako urteko deialdiaren bitartez.
2. Dagozkion inprimakiak osorik eta ongi beteta aurkeztu beharko dira deialdian ezarritako epean:
 - Udaletxean (HAZ - Herritarren Arreta Zerbitzua)
 - Zarauzko Udalaren zerbitzu telematikoaren bitartez.

Eskaera aurkezteak esan nahi du deialdian jasotako baldintza guztiak onartzen direla.

Eskaera formalizatzeke dagokion inprimakia beteko da jarduera edo proiektuaren nondik norakoak zehaztuz.

Eskaerak agiri hauekin batera aurkeztuko dira:

- a) Eskaera orri ofiziala, behar bezala beterik; orria jaso daiteke Zarauzko Udalaren Erregistro Nagusian eta www.zarautz.eus web gunean.
- b) Dirulaguntza mota bakoitzaren berariazko ordenantza erregulatzaileretan eskatzen diren agiriak, eranskin bakoitzaren arabera.
- c) NANaren kopia.
- d) Identifikazio Fiskaleko Zenbakiaren fotokopia.

3.- Eskatzen diren agirietakoren bat Zarauzko Udalaren esku baldin bada, dirulaguntzaren eskatzaileak erabil dezake urriaren 13ko 39/2015 Legeak, Administrazio Publikoen Administrazio Prozedura Erkidearenak, 28.3 artikuluan xedatzen duena, baina agiriak zein egun, organo edo bulegotan jaso edo egin ziren adierazi beharko du, betiere dokumentu horiek loturik diren prozedura bukatu eta bost urte baino gehiago igaro ez bada.

4.- Eskaera orria edo harekin batera aurkeztu beharreko agiriak akatsez edo osatu gabe baldin badaude, interesdunari errekerimendua egingo zaio hamar eguneko epean falta zuzentzeko edo aurkeztu ez dituen nahitaezko dokumentuak eramateko, eta adieraziko zaio, hala egin ezean, eskaera atzera egindakotzat joko dela, urriaren 13ko 39/2015 Legeak Administrazio Publikoen Administrazio Prozedura Erkidearenak, 68.1 artikuluan xedatzen duenaren arabera.

5.- Dirulaguntza eskaerak aurkezteko epeak urteko deialdian zehaztuko dira.

3.- ONURADUNAK

Dirulaguntzen onuradun izateko baldintzak:

Helbide fiskala, egoitza, edo ordezkaritza iraunkorra Zarautzen duten pertsonak edo elkarteek eskuratu ahal izango dituzte dirulaguntzak.



ZARAUZKO UDALA

Dirulaguntza hauen onuradun izaera izango du dirulaguntzaren oinarri den jarduera egin behar duen pertsona fisiko edo juridikoak, edota dirulaguntza jasotzeko zilegi egiten duen egoeran dagoenak.

Dirulaguntzak ezartzen diren baldintza zehatzak bete beharko ditu.

Onuraduna izateko debekua:

Ordenantza honetan araututako dirulaguntzak ezingo ditu jaso ondorengo zirkunstantziaren batean dagoen entitateak eskatzaileak:

Indarrean dagoen araudiaren arabera eskubide hori mugatuta edo ezabatuta duten pertsonak edo entitateak ezin izango dituzte dirulaguntza hauek jaso. Era berean, ezin izango dute dirulaguntzarik jaso ebazpen irmo baten bidez eskubidea galtzeko zigorra jaso dutenek, ebazpenean zehaztutako epean, edo Dirulaguntzei buruzko 38/2003 Lege Orokorren 13. artikuluan adierazitako beste edozein kasutan daudenean.

Ordenantza honetan araututako dirulaguntzak ezingo ditu jaso ondorengo zirkunstantziaren batean dagoen entitateak eskatzaileak:

- Uztailaren 28ko 26/2015 Lege Organikoak jarritakoaren arabera, sexu-delituengatik zigor administratiboak, laboralak edo penalak jaso dituzten pertsona fisiko nahiz juridikoak.
- Emakume eta Gizonen Benetako Berdintasunari buruzko martxoaren 22ko 3/2007 Lege Organikoan eta 1/2023 Legegintzako Dekretuan, martxoaren 16koa, emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina onartzen duena, jarritako betekizunak betetzen ez dituzten pertsona fisiko nahiz juridikoak.
- Emakume eta gizonen arteko berdintasunaren printzipioaren aurkako helburuak, sarbide-sistemak, funtzionamendua, ibilbidea, jarduera, antolaketa edo estatutuak dituzten, eta sexuaren, ideologiaren, jaioterriaren, nazionalitatearen edo sexu-joeraren ziozko diskriminazioa egiten duten pertsona fisiko nahiz juridikoak (Emakumeen eta Gizonen Berdintasunerako Zarauzko Udal Ordenantzaren 40 artikulua).
- Berdintasunerako eta sexuagatik diskriminatuta ez izateko eskubidea urratzeagatik zigor administratibo, laboral edo penalak jaso dituzten pertsona fisiko nahiz juridikoak (Emakumeen eta Gizonen Berdintasunerako Zarauzko Udal Ordenantzaren 40 artikulua).

4.- LAGUNTZAK EMATEKO PROZEDURA

Laguntza hauek elkarrekiko lehiakortasun jardunbidez emango dira, eta emateko prozedura Zarauzko Udaleko dirulaguntzen Ordenantza Orokorrean ezarritakoa izango da.



ZARAUZKO UDALA

5.- DIRUZ LAGUNDUTAKO JARDUERAK FINANTZATZEA

1. Ordenantza honetan jasotzen diren dirulaguntzak bateragarriak izango dira beste herri administrazioek edota erakunde publiko nahiz pribatuek, estatukoek, Europar Batasunakoek edo nazioartekoek xede berarekin emandako laguntza, dirulaguntza, sarrera edo baliabideekin, hurrengo paragrafoan xedatzen dena baztertu gabe.
2. Dirulaguntzen zenbatekoa ezin izango da, bakarrik nahiz beste dirulaguntzekin batera, aurrera eraman beharreko jardueraren kostua baino handiagokoa izan.

6.- EBAZPENA

Ebazpena Zarauzko Udaleko Ordenantza Orokorrean ezarrita dagoenari jarraiki egingo dira.

Organo eskudunak

- Antolamendua eta instrukzioa (Instrukzio-organoa): Euskara Departamentuko arduraduna.
- Azterketa eta balioespena (Balioespen Batzordea): Kide anitzeko organo bat, dirulaguntza ematen duen departamentuko informazio-batzordeko kideek osatutakoa.
- Ebazpena (Organo eskuduna): Alkatetzari edo Tokiko Gobernu Batzarrari egokituko zaio, Udalaren administrazio-antolamenduan une bakoitzean indarrean diren eskumenekin eta aldi bateko eskuordetzeekin bat etorritz.

Jakinarazpen-epea

Dirulaguntzen ebazpena jakinarazteko epea Zarauzko Udaleko Ordenantza Orokorrean ezarritakoa izango da.

7.- ZUZKIDURA ETA AURREKONTUKO PARTIDA

Dirulaguntzen zuzkidura eta aurrekontuko partidak Euskara Departamentuaren urteko deialdietan ezarriko dira.

Aurrekontuan izendatutako diru-kopurua nahikoa ez balitz dirulaguntza jasotzeko eskubidea duten eskabide guztiak betetzeko, banaketa proportzionala egingo da baldintzak betetzen dituzten eskabide guztien artean.

8.- ONURADUNAREN BETEBEHARRAK

Pertsona edo entitate onuradunaren betebeharrak, eranskinetan jasotakoez gain, hauek dira:



ZARAUZKO UDALA

- a. Dirulaguntzen emakida sortu duen helburua bete, proiektua gauzatu, jarduera egin edo portaera izan.
- b. Organo emailearen edo erakunde laguntzailearen aurrean eskakizunak eta baldintzak justifikatu, jarduera egin, eta dirulaguntzaren emakidak edo jasotzeak zehazten duten xedea bete.
- c. Diruz lagundutako jarduera garatzeko eta bere zehaztapenak betetzeko behar diren baimen guztiak lortu.
- d. Organo emaileak egin beharreko egiaztapen-jardunen mende jarri eta lagundu, indarrean den araudiaren baldintzetan, eta baita kontrol-organoek egin ditzaketen finantzako beste egiaztapen- eta kontrol-jardunen mende ere, aurreko jardunetan eskatzen zaion informazio guztia ekarrita.
- e. Emakidarako ebazpen-proposamena egin aurretik zerga-betebeharrak, Gizarte Segurantzakoak eta Zarauzko Udalarenak egunean dituela egiaztatu.
- f. Gizonen eta emakumeen arteko berdintasuna sustatzeko udal araudiaren arabera dokumentazio, publizitate, irudi edo material guztietan sexismorik gabeko komunikazioa inklusiboa erabiliko du.

9.- BETE BEHARREKO BALDINTZAK

Onuradunek honako baldintzak bete beharko dituzte:

- Helbide fiskala, egoitza, edo ordezkari irakurria Zarautzen duten pertsonen edo elkarteek eskuratu ahal izango dituzte dirulaguntzak.
- Establezimenduak beharrezko lizentziak izatea (jarduerakoa, errotulua edota toldoa jartzekoa...)
- Errotulua eta irudi korporatiboa euskaraz bakarrik idatzita egotea, eta euskara zuzena eta egokia erabiltzea.
- Ez da dirulaguntzarik emango errotuluan edota irudi korporatiboan izen berezia bakarrik agertzen denean; langintza motaren edo jarduera profesionalaren aipamena hartuko da kontuan.
- Establezimenduetan kanpora begira jartzen diren inskripzioak euskaraz bakarrik idatzita egotea.
- Web-gunearen edukiak gutxienez euskaraz idatzita egongo dira. Horrek ez du eragozten beste hizkuntzaren batean ere idatzita izatea.
- Web-gunearen hizkuntzaren kalitatea eta zuzentasuna ezinbestekoak dira.
- Web-gunea elikatzea: bisita kopurua neurtzea, eguneratzea eta kalitatezkoa zein erabilgarria izatea.
- Web-gunearen edukien barruan legez babestutako gairik baldin badago, eskatzaileak eduki horien gaineko lizentziaren jabe izan behar du.
- Aurreko urteko deialdiaren epea bukatzen denetik indarrean dagoen deialdiko epea bukatzen denera arteko faktura aurkezten dutenak.



ZARAUZKO UDALA

- Udalak eskatzaile bakoitzari behin bakarrik emango dio arlo bakoitzari dagokion dirulaguntza. Dirulaguntzaren eskatzaileak konpromisoa hartuko du diruz lagundutako elementuak euskaraz edukitzeko aurrerantzean ere.
- Dokumentazio, publizitate, irudi edo material guztietan sexismorik gabeko komunikazioa inklusiboa erabiliko du.

Honako web-guneak dirulaguntza deialdi honen aplikazio eremutik kanpo geratuko dira:

- Web-gune pertsonalak.
- Edozein irakaskuntza erakunderi lotutako guneak.
- Eduki iraingarri edota pertsonen eskubideen aurkakoa dutenak.
- Alderdi politikoen web-guneak.
- Edukietara sartzeko edonolako muga jartzen dutenak edo zerbitzuaren trukean ordainketa eskatzen dutenak.
- Udalak lehendik diruz lagundutako web-guneak eta web-guneen mantentze-lanak.

10.- DIRULAGUNTZAREN ZENBATEKOA

Dirulaguntza hauek aplikatzeko aurreikusitako finantza-baliabideak Zarauzko Udalaren urteko deialdietan agertzen direnak izango dira, eta hori izango da kontzeptu honetan esleitu ahal izango den gehienezko dirulaguntza kopurua.

Ordaindu beharreko diru-kopurua handiagoa bada aurrekontuan horretarako izendatutakoa baino, orduan banaketa proportzionala egingo da.

Errotuluak:

- Dirulaguntza hau errotuluaren kostuaren % 50 izango da, gehienez 350,00 euro arte.

Irudi korporatiboak:

- Euskaraz jarritako irudi korporatiboaren elementu bakoitzeko kostuaren % 50 izango da dirulaguntza, baina kontzeptu honengatik ematen diren dirulaguntzen baturak 350,00 euroko muga gainditu gabe.

Irudi korporatibotzat hartuko dira ibilgailuetako errotulazioa, paperezko poltsak, poltsa konpostagarriak, biltzeko papera, karta-azalak, orri idazpurudunak, bisita-txartelak, taloitegiak, albaranak, fakturak, etab.

Web-guneak:

- **Web-gunea euskara hutsean:** kostuaren % 50 ordainduko du Udalak, 450,00 euroko muga gainditu gabe.
- **Web-gunea euskaraz zabalduko da, eta edukiak euskaraz eta beste hizkuntza batzuetan eskainiko dira:** kostuaren % 40 ordainduko du Udalak, 360,00 euroko muga gainditu gabe. Kasu honetan web-gunea **beti** zabalduko da euskaraz, baina



ZARAUZKO UDALA

hizkuntza hautatzeko aukera emango du hasierako orrian eta hizkuntza bakoitzak bere kanala izango du.

- **Web-gunearen hasierako orriak hizkuntza hautatzeko aukera eskainiko du (euskara eta beste hizkuntza batzuk), eta edukiak euskaraz eta beste hizkuntza batzuetan izango dira:** kostuaren % 20 ordainduko du Udalak, 180,00 euroko muga gainditu gabe. Hizkuntza bakoitzak ere bere kanala izango du, eta hizkuntzen erabilera parekatua izango da (hasierako orrian ere ez da beste hizkuntzarik lehenetsiko euskararen aldean).

11.- AURKEZTU BEHARREKO DOKUMENTUAK

Dirulaguntza jaso ahal izateko, honako agiri hauek aurkeztu beharko dira Zarauzko Udaleko Erregistro Nagusian:

- a) Eskaera inprimakia behar bezala beteta: eskatzailearen datuak eta eransten diren dokumentuak adierazita.
- b) Entitate eskatzailearen pertsona arduradunaren edo ordezkariaren NANaren fotokopia.
- c) Identifikazio Fiskaleko Kodearen fotokopia.
- d) Gastuen jatorrizko fakturak eta dagozkien ordainagiriak.
- e) Diruz lagundutako errotuluaren argazki bat.
- f) Diruz lagundutako irudi korporatiboaren ale bat (eta hori ezinezkoa denean, argazki bat).
- g) Diruz lagundutako web-gunearen jardueraren memoria edo txostena.
- h) Zerga-betebeharrak eta Gizarte Segurantzarenak egunean dituela egiaztatzen duen erantzukizunpeko adierazpena.

Udalak hala eskatuz gero, deialdiaren helburuak betetzeko argigarria den informazio osagarria aurkeztu beharko dute eskatzaileek.

12.- DIRULAGUNTZAK ORDAINTzea

Laguntzak ordaintzeko aurrez Euskara Departamentuaren aldeko txostena beharko da. Bertan egiaztatuko da laguntza emateko erabakian jarritako baldintzak bete direla.

Dirulaguntza ordainketa bakar batean emango da banku-transferentzia bidez, zuritu eta gero, behin dirulaguntza ematea erabaki eta gehienez ere bi hilabeteko epean.

13.- DIRULAGUNTZAREN XEDEA JUSTIFIKATzea

Ordenantza honetan zehazten diren agirien bidez zurituko dira dirulaguntzak.

14.- PUBLIZITATEA

Dirulaguntzen Datu Base Nazionalak dirulaguntzen publizitate-sistema nazional gisa jardungo du.



ZARAUZKO UDALA

Horretarako, administrazio emaileak erabakitako deialdi eta ebazpenei buruzko informazioa bidaliko dio BDNsri, hark emandako bitarteko elektronikoen bidez.

Emandako dirulaguntzen zerrenda Udalaren web orrian eta udaleko iragarki-oholean argitaratuko dira.

15.- DIRULAGUNTZAK ITZULTZEA

Ordenantza honetan edo dirulaguntza ematean ezarritako betebeharrakoren bat bete ezean, dirulaguntza berriro aztertuko da eta, horren arabera, Zarauzko Udalak dirulaguntza baliogabetu edo gutxitu ahal izango du eta baita itzultzeko eskatu ere, abenduaren 17ko 38/2003 Lege Orokorrak, Dirulaguntzei buruzkoak, 37. artikuluan eta 52. eta hurrengo artikuluetan aurreikusten duen baldintzetan.

1. Jasotako diru kopuruak itzuli beharko dira eta dirulaguntza ordaindu zenetik itzulketa egin beharra erabakitzen den bitarteko berandutza interesak ordaindu beharko dira azaroaren 17ko Dirulaguntzen 38/2003 Lege Orokorrak 37. artikuluan aurreikusitako kasuetan, eta bereziki hurrengo kasu hauetan:

- a) Dirulaguntza eskuratzea horretarako ezarrita dauden baldintzak faltsutuz edo eskuratze hori galaraziko luketen baldintzak ezkutatzuz.
- b) Dirulaguntza emateko oinarrian dagoen helburua, jarduera, proiektua edo jokabidea osorik edo zati batean ez betetzea.
- c) Jasotako dirulaguntza zuritzeko beharkizuna ez betetzea edo behar bezalako zuritzea ez aurkeztea, 10. eta 11. oinarrietan xedatutakoaren arabera eta, hala behar denetan, dirulaguntza mota bakoitzaren berariazko ordenantza erregulatzaileetan.
- d) Dirulaguntza emateko ebazpenean xedatzen diren hedapen-bitartekoak jartzeko beharkizuna ez betetzea.
- e) Indarrean diren legeetan aurreikusitako finantza-egiaztatze eta -kontroleko jarduerari aurre egitea, aitzakiak jartzea edo uko egitea, baita kontabilitate, erregistro edo dokumentu gordetze aldetik diren beharkizunak ez betetzea ere, horrek eragiten duenean ezintasun bat dirulaguntzaren erabilera egiaztatze, helburua bete den jakiteko, diruz lagundutako jardueren benetakotasuna eta erregulartasuna, edo beste herri administrazioek edota erakunde publiko nahiz pribatuek, estatukoek, Europar Batasunekoek edo nazioartekoek xede berarekin emandako laguntza, dirulaguntza, sarrera edo baliabiderik jaso ote den egiaztatze.
- f) Administrazioak onuradunei ezarritako beharkizunak ez betetzea, edota haiek, dirulaguntza ematerakoan, onartutako konpromisoak ez betetzea, dirulaguntza emateko oinarrian izan ziren helburuak betetzeko, proiektua gauzatzeko, jarduera egiteko edota jokabidea aintzat hartzeko moduari dagokionean edo eragiten dionean.

2. Emandako laguntzaren edo dirulaguntzaren zenbatekoa, bakarka edota bestelako administrazio publikoen edo erakunde publiko nahiz pribatu nazional edo nazioartekoaren dirulaguntza edota bestelako laguntzarekin batera, onuradunak aurrera eramane beharreko jardueraren kostua gainditzen duenean, emate ebazpena aldatu egingo da eta, beharrezkoa bada, itzuli egin beharko da garatutako jardueraren kostuz gaindikoko diru kopurua.

Bi herri erakunderen edo gehiagoren dirulaguntzak emanak direnean, eta paragrafo honetan aipatzen duen soberakina gertatzen denean, ebazpena aldatzea edo, beharrezkoa bada, dirua itzultzea gauzatuko da bakoitzak emandako kopuruaren araberrako hainbanaketa eginda.

3. Itzuli beharreko zenbatekoak eskubide publikoko diru sarreratzat hartuko dira.

16.- DIRUA ITZULTZERA BEHARTUAK

1. Aurreko artikuluan azaldutako kasuetan, onuradunek jasotako diru kopurua osorik edo zati batean itzuli beharko dute, gehi diru kopuruoi dagozkien berandutza interesak. Beharkizun horrek ez du zer ikusirik, hartara iritsiz gero, ezar daitezkeen zigorrekin.

2. Dirua itzultzeko beharkizunaren erantzule izango dira subsidiarioki merkataritzako sozietateetako administratzaileak edota beste pertsona juridiko batzuen legezko ordezkariak dutenak, urratutako beharkizunak betetzeko beren ardurapeko beharrezko ekintzak egiten ez badituzte, ez betetzea gertagarri egiteko erabakiak hartzen badituzte edota beren mendekoenei leku ematen badiete.

3. Halaber, jarduerari utzitako pertsona juridikoen lege ordezkariak dutenak, aplikagarri zaizkien xedapen legal edo estatutarioen araberr, haien itzulketa beharkizunaren erantzule izango dira subsidiarioki.

17.- ARAUDI OSAGARRIA

Ordenantza honetan aurreikusi ez den orotan arau hauek aplikatuko dira: azaroaren 17ko Dirulaguntzen 38/2003 Lege Orokorra (azaroaren 18ko EAO); horren garapenerako Erregelamendua, uztailaren 21eko 887/2006 Errege Dekretuaren bidez onartua (uztailaren 25eko EAO); eta Zarauzko Udalak dirulaguntzak emateko Ordenantza Orokor arautzailea.